

tur farine hordei, fimi caprarum ana ꝑ j. gummi ammoniaci, sagapeni ana ꝑ ss. olei lateritii, capparorum ana q. s. fiat *Cataplasma*, post fotum adhibebitur maximo cum commodo.

℞ diachyli magni, emplastrum de mucilagibus, de meliloto composito ana ꝑ ss. vnguenti dialthææ, Agrippæ ana ꝑ iij. corticum tamarisci ꝑ j. seminum rutæ ꝑ ss. fiat *Emplastrum molle*.

℞ sagapeni, gummi ammoniaci ana ꝑ j. olei liliorum ꝑ ij. radicum ireos ꝑ ij. salis gemmæ ꝑ j. ss. fiat *Emplastrum*, Gummi dissoluantur cum aceto.

## APPENDIX

ad prædicta pro curatione TUMORIS SPLENIS  
inferuiens.

*Omniū primò materiam obstruentem, extenuantibus incidentibusque medicamentis naturæ obedientem reddemus: primò tamen lenientia aluum medicamenta dabimus, ut melius ad splenem vires medicamentorum deduci possint. Pluribus autem diebus præparantibus medicamentis uti debet æger. Hoc cum consecuti fuerimus, purgante medicamento eandem è corpore eduemus. Hinc quæ visceris duritiem, humorésque viscosos atque congelatos emollire possunt, præscribantur, quibus ea quoque permiscebimus quæ obstructionem tollere possunt. Demum quæ corroborare, reliquiasque consumere valent, admittantur. Quæ omnia, nunc anteaque dictis medicamentis felicissimo cum successu consequi poterimus, modò uniuersalia particularibus debita ratione adhibeantur. Hæmorrhoides autem in hoc malo aperire consultissimum erit, cum plurimum leuaminis afferre soleant. Quiescere quoque in latere sinistro postquam medicamentum sumpserit æger, debet; magnopere equidem ad curam huius mali necdum confirmati, adiumenti affert.*